



Broj: 03-45.1-18-1574-1/21  
Istočno Sarajevo, 15.12.2021. godine

Na osnovu člana 61. stav 2. Zakona o upravi („Službeni glasnik BiH”, br. 32/02, 102/09 i 72/17), člana 9. stav 2. Zakona o osnivanju Instituta za standardizaciju Bosne i Hercegovine („Službeni glasnik BiH”, broj 44/04), a u vezi s tačkom 4.2.21 BAS poslovnika o radu stručnih tijela Instituta, i izmjena poslovnog plana prihvaćenih na 10. sjednici BAS/TC 55, održanoj 12.11.2021. godine, direktor Instituta za standardizaciju Bosne i Hercegovine odobrava:

## POSLOVNI PLAN BAS/TC 55 *Društvena odgovornost*

### 1. Uvod

Predmet rada Tehničkog komiteta BAS/TC 55, *Društvena odgovornost* (u daljnjem tekstu: BAS/TC 55) obuhvata standardizaciju u oblasti društvene odgovornosti radi pružanja smjernica svim zainteresovanim stranama (privredi, tijelima javne uprave ili civilnom društvu), a koje se odnose na sadržaj, terminologiju i definicije povezane s društvenom odgovornošću, konteksta društvene odgovornosti zavisno od djelatnosti organizacije, integrisanja, primjenu i zagovaranje društveno odgovornog poslovanja u organizacijama te doprinos održivom razvoju; standardizaciju u području održivih gradova i zajednica uključujući razvoj zahtjeva, okvira, smjernica i pratećih tehnika i alata koji se odnose na postizanje održivog razvoja te poticanje razvoja i provedbe holističkih i integriranih pristupa održivog razvoja i održivosti; standardizaciju u području upravljanja koja se odnosi na aspekte upravljanja, kontrole i odgovornosti organizacija; kao i standardizaciju u području ranivih potrošača.

BAS/TC 55 prati rad sljedećih korespondentnih komiteta:

- ISO/TMBG SR, *Radna grupa za društvenu odgovornost*
- ISO/TC 268, *Održivi gradovi i zajednice*
- ISO/TC 309, *Upravljanje organizacijama*
- ISO/PC 311, *Ranjivi potrošači*

BAS/TC 55 je formiran Rješenjem direktora Institut za standardizaciju Bosne i Hercegovine o formiranju Tehničkog komiteta br. IP-00363/13-03AT od 28.10.2013. godine. Trenutno je aktuelno Rješenje o promjenama u Tehničkom komitetu BAS/TC 55 br. 03-45.1-18-1478-1/21 od 23.11.2021. godine.

Tehnički komitet BAS/TC 55 je formiran radi:

- analize potreba i pripreme prijedloga za preuzimanje međunarodnih i evropskih standarda;
- razmatranja inicijativa i utvrđivanja programa i planova rada u području djelovanja;
- razmatranja i utvrđivanja metoda rada i aktivnosti na izvršavanju planova rada TC-a;
- osnivanja radnih grupa (WG) i *ad hoc* grupa (AG) te definiranja njihovih područja rada i zadataka;
- usklađivanja planova rada WG-a;

- 
- pripremanja i utvrđivanja nacrti i prijedloga BAS standarda;
  - razmatranja mišljenja, primjedbi i prijedloga dobijenih u toku javne rasprave;
  - pripremanja i prezentiranja stručnih mišljenja odgovarajućim tijelima međunarodnih i evropskih organizacija za standardizaciju u skladu s procedurom pripreme međunarodnih i evropskih standarda, te korištenja drugih mogućnosti uključivanja u njihov rad;
  - saradnje s drugim tehničkim komitetima i subjektima koji se bave aktivnostima u vezi sa standardizacijom.

Također, za predmete standardizacije iz oblasti rada BAS/TC 55 za koje ne postoje evropski standardi i drugi standardizacijski dokumenti, BAS/TC 55 može da donese odluku o preuzimanju međunarodnih standarda i drugih standardizacijskih dokumenata, a ako oni ne postoje, može da donese odluku o preuzimanju nacionalnih standarda i drugih standardizacijskih dokumenata drugih zemalja, s kojima Institut ima potpisan ugovor, kao i o izradi izvornih BAS standarda..

## **2. Poslovno okruženje**

### **2.1 Općenito**

Standardi iz području rada ovog Tehničkog komiteta predstavljaju opće standarde, koji se koriste u svim tipovima organizacija. Kao nove oblasti međunarodne standardizacije, standardi koji se bave društvenom odgovornošću, upravljanjem organizacijama, održivim gradovima i zajednicama, te ranjivim potrošačima predstavljaju povezane standarde i važni su za primjenu u savremenim organizacijama/firmama.

Zainteresirane strane u oblasti rada ovog tehničkog komiteta su svaki tip organizacije, tj. tijela državne uprave, industrija, usluge, univerziteti, istraživačko-razvoje organizacije, privredne komore, nevladine organizacije. Bosanskohercegovačke standarde koje donosi BAS/TC 55 primjenjivi su u svakom tipu organizacije.

### **2.2 Kvantitativni pokazatelji poslovnog okruženja**

Vrijednosti kvantitativnih pokazatelja poslovnog okruženja nisu dostupni.

### **2.3 Zahtjevi tržišta**

Imajući u vidu da promjene i trendovi prisutni u poslovnom okruženju svake organizacije/firme u Bosni i Hercegovini predstavljaju izvor mogućnosti i opasnosti za njeno poslovanje, a u cilju sagledavanja aktuelnih događanja u poslovnom okruženju potrebe za standardim iz područja rada ovog Tehničkog komiteta imaju trend povećanog interesa organizacija/firmi, a samim tim i primjene u Bosni i Hercegovini.

### **2.4 Aspekti zaštite okoline**

Standarde koje usvaja BAS/TC 55 eksplicitno se ne bave aspektima kao što su okolinski aspekti.

## **3. Očekivane koristi od rada BAS/TC 55**

Osnovne koristi koje se očekuju od rada BAS/TC 55 jesu sljedeće:

- donošenje BAS standarda koji su identični s evropskim i/ili međunarodnim standardima, čime se osigurava efikasan način za provjeru ispunjenosti uvjeta utvrđenih zakonima i/ili propisima donijetih na međunarodnom, regionalnom ili nacionalnom nivou;
- pružanje podrške nadležnim ministarstvima drugim tijelima državne uprave u aktivnostima koje se odnose na usklađivanje propisa s evropskom regulativom, obezbjeđivanjem BAS standarda usklađenih s evropskim i/ili međunarodnim standardima;

- 
- zaštita potrošača;
  - uklanjanje prepreka u trgovini;
  - predstavljanje i zastupanje interesa BiH u postupku donošenja evropskih i međunarodnih standarda.

#### **4. Zainteresirane strane**

Sve zainteresirane strane u BiH su pozvane da učestvuju u radu ovog tehničkog komiteta, uz osiguranje ravnopravnog učešća i zastupljenosti svih interesnih grupa. Moguće je i učešće u statusu posmatrača, pod određenim uvjetima koji su utvrđeni Internim pravilima Instituta za standardizaciju BiH. Sve zainteresirane strane mogu da predlože usvajanje određenih standarda.

Zadatak ovog tehničkog komiteta je da u narednom periodu u svoj rad uključi što je moguće veći broj zainteresiranih strana.

#### **5. Ciljevi i strategije za njihovo ostvarivanje**

##### **5.1 Ciljevi**

- Usvajanje standarda iz oblasti društvene odgovornosti, upravljanja organizacijama, održivih gradova i zajednica, te ranjivih potrošača, u skladu s Internim pravilima za standardizaciju Instituta;
- Usklađivanje nacionalnih standarda i drugih standardizacijskih dokumenata s evropskim i/ili međunarodnim standardima i drugim standardizacijskim dokumentima;
- Preispitivanje svih BAS standarda u roku od pet godina od njihovog objavljivanja i donošenje odluke o povlačenju onih standarda i drugih standardizacijskih dokumenata koji imaju isto područje primjene kao evropski ili međunarodni standardi ili drugi standardizacijski dokumenti;
- Zastupanje interesa BiH u oblasti rada tehničkog komiteta pred odgovarajućim evropskim i međunarodnim komitetima za standardizaciju kroz učestvovanje bosanskohercegovačkih stručnjaka u radu navedenih tehničkih komiteta;
- Primjena osnovnih principa standardizacije;
- Promovisanje interesa Instituta za standardizaciju BiH;
- Odgovor na zahtjeve zainteresiranih strana

##### **5.2 Strategija za ostvarivanje ciljeva**

Ostvarivanje ciljeva BAS/TC 55 zasniva se na definiranju prioriteta rada, a to su:

- praćenje rada korespondentnih komiteta i preuzimanje novih standarda i drugih standardizacijskih dokumenata;
- povećanje broja bosanskohercegovačkih stručnjaka u radu navedenih korespondentnih komiteta;
- prevođenje što većeg broja standarda na jedan od službenih jezika u BiH;
- povećanje broja zainteresiranih strana koje će učestvovati u radu BAS/TC 55;
- sprovođenje periodičnih sistematskih pregleda i preispitivanja svih standarda i drugih standardizacijskih dokumenata koje je pripremio BAS/TC 55, kako bi se obezbijedila validacija primjene za sve zainteresirane strane koje koriste ove standarde;
- revidiranje tekstova povučenih BAS standarda objavljenih na jednom od službenih jezika u BiH u skladu s novim izdanjima evropskih ili međunarodnih standarda, kako bi se održao ili povećao broj objavljenih BAS standarda nastalih preuzimanjem evropskih i/ili međunarodnih standarda na jednom od službenih jezika u BiH;

- 
- Informiranje članova BAS/TC 55 o revidiranim Internim pravilima za standardizaciju Instituta.

## 6. Faktori koji mogu uticati na ispunjenje i implementaciju programa rada

- Nedovoljno učešće domaćih stručnjaka u donošenju BAS standarda;
- Nezainteresiranost stručne javnosti za učešće u javnoj raspravi i dostavljanje primjedbi i prijedloga u vezi s nacrtima BAS standarda koji se stavljaju na javnu raspravu;
- Nedostatak finansijskih sredstava koji onemogućava obezbjeđenje odgovarajućih prijevoda i upućuje na preuzimanje standarda metodom proglašavanja/korica, što umanjuje kredibilitet ovih standarda u poslovnom okruženju;
- Neblagovremeno dostavljanje prijedloga zainteresiranih strana za donošenje BAS standarda pri izradi plana rada BAS/TC 55;
- Nedovoljno pridavanje značaja radu članova BAS/TC 55 i njihova opterećenost poslovima u matičnim organizacijama koje su ih delegirale, što može da dovede do nedovoljnog učešća članova BAS/TC 55 na sjednicama, a samim tim i do odstupanja od plana usvajanja standarda.
- Nepostojanje prijevoda odgovarajućih BAS standarda na jednom od službenih jezika u BiH iziskuje dodatne napore i sredstva koji su van oblasti rada BAS/TC 55 i Instituta.

## 7. Plan aktivnosti

Aktivnosti BAS/TC 55 usklađene su s planovima rada tehničkog komiteta kroz:

- planove pripremanja, donošenja i objavljivanja BAS standarda i drugih standardizacijskih dokumenata u navedenoj oblasti rada, u skladu s Internim pravilima za standardizaciju Instituta;
- osiguravanje usklađenosti BAS standarda i drugih standardizacijskih dokumenata s evropskim i međunarodnim standardima u navedenoj oblasti rada;
- učestvovanje u izradi i preispitivanju standarda i drugih standardizacijskih dokumenata koje donose evropske<sup>1</sup> i međunarodne organizacije za standardizaciju u navedenoj oblasti rada;
- druge aktivnosti koje predloži Vijeće za standardizaciju BiH;
- druge aktivnosti na prijedlog zainteresiranih strana.

Dostavljeno: 1. Sekretarijatu BAS/TC 55,  
2. a/a.

DIREKTOR

.....  
Aleksandar Cincar

---

<sup>1</sup> Sa glasanjem o razvoju evropskih standarda i drugih standardizacijskih dokumenata započeti će se kada Institut postane punopravni član CEN-a i CENELEC-a